

現寬敞之墓室寬者約九呎建方小者亦七呎許高亦三呎又半砌土爲塲高呎餘鋪以蘆蓆死者橫臥蓆上外有木版欄之無棺槨余曾掘索家一塚尸身長約六呎衣錦綉上覆類陀羅經被之物上部彩繪男女像下作兩蛇相交形陶器卽陳於頭旁重疊推聚大小至數十件蓋余所掘古塚中均有陶器置頭部或足部旁或駢陳身之右側形成一線爲兩死者之間隔多少大小不一要皆當時日用器物死後卽以此爲殉墓專則砌入墓道牆壁中字面向裏其字跡之顏色能保存至今不變者亦因此也又專多少恒視墓中死者之數爲差然至多不過三方蓋一夫一妻或一夫一妻一妾也猶其使吾人於研究方面發生良好之興趣者卽每塚中之陶器皆得墓塲以爲證明而此陶器之時代與主人皆可